

UMP sempurnakan ibadah korban, akikah

KUANTAN - Universiti Malaysia Pahang (UMP) di sini, gembira dapat menyempurnakan ibadah korban melalui Program Ibadah Korban dan Akikah, sekali gus mengagihkan daging korban tersebut kepada golongan yang layak sekitar Pekan dan Kuantan.

Naib Canselor UMP, Prof Datuk Dr Daing Nasir Ibrahim berkata, warga UMP bertindak melaksanakan ibadah tersebut secara bergotong-royong dalam usaha menjalinkan hubungan lebih akrab di kalangan mereka.

Katanya, program dijalankan seawal jam 8 pagi semalam diadakan secara serentak di kedua-dua kampus UMP Pekan dan Gambang membabitkan lebih 80 sukarelawan terdiri daripada staf serta penuntut.

"Pelaksanaan program ini dapat meningkatkan kefahaman warga kampus tentang ibadah korban selain mengeratkan ukhwa dalam kalangan warga UMP.

"Sebanyak sembilan ekor lembu disembelih termasuk tiga sumbangan pihak luar untuk Masjid UMP Pekan.

"Daging lembu ini diagihkan kepada masyarakat setempat selain disajikan kepada warga kampus," kata-



Daing Nasir melihat alat pengacau yang direkacipta dan diperkenalkan buat pertama kalinya pada program Korban dan Akikah UMP di kampus Gambang semalam.

nya sewaktu menyaksikan program tersebut di UMP Gambang di sini, semalam.

Dalam pada itu beliau berkata, dalam usaha meningkatkan kecakapan dalam menyediakan jua-dah di masjid, UMP berjaya mencipta alat pengacau automatik yang diperkenalkan buat pertama kalinya pada program ini.

"Periuk dilengkapi pengacau ini hasil inovasi pensyarah dan staf dari Fakulti Teknologi Kejuruteraan (FTEK) yang diketuai Dekannya, Prof

Datuk Dr Zularisam Abd Wahid.

"Alat tersebut dipercayai mampu mengurangkan penggunaan tenaga kerja sekaligus mempercepatkan proses memasak," katanya.

Sementara itu, katanya, kumpulan tersebut disaran agar dapat menghasilkan reka bentuk yang lebih fleksibel dan menambah baik kualiti serta boleh diperkenalkan kepada masyarakat terutamanya dalam kalangan pengusaha makanan atau industri berkaitan pada masa akan datang.